

Biblia para na maga Bata
ta presenta

El Primer Passover



Ya Escribe Si: Edward Hughes

Ya Ilustra Si: Janie Forest
Alastair Paterson

Estaba con: Lyn Doerksen

Ya Traduci El: www.christian-translation.com

Ya Produci El: Bible for Children
www.M1914.org

©2021 Bible for Children, Inc.

Lisencia: Tiene tu derecho copia y emprenta este storia,
pero nuay tu permiso bende con este.



El mujer ta para
na monte que bien
alboroto, el su ojos
lleno de tristeza
mientras ta mira
ariba na un terrible
scenario. El su
Hijo ta acerca ya
el muerte. El
nana amo si Maria,
y parando apiki
na donde con
Jesus ya
claba na
cruz.




Paquelaya este todo ya
susede? Paquelaya si
Jesus que tiene bonito
vida ya despidi ansina
clase de terrible
menera?

Paquemodo ya
permiti El Dios
que Su Hijo hay
claba na cruz y alla
hay muri? Ya man
camali ba si Jesus
si kien Ele? Ya
palta ba El Dios?



No! Nuay palta El Dios. Nuay man camali si Jesus. Sabe si Jesus que hay mata con Ele el maga mal hente. Maskin que cuando bata pa si Jesus, el byejo nombrao como si Simeon ya habla ya con Maria que tiene tristeza que ta espera.



An illustration showing a person's feet wearing brown sandals. A hand is holding an orange cloth and touching the feet. A bright green glow emanates from the point of contact between the hand and the feet. The background is a plain light gray.

Cuantos dias antes
que ya mata con Jesus,
un mujer ya anda y ya
pone perfume na Su piez.

"Ta man calas le sen," reclamo del
maga decipulo. "Ta hace le buen
trabajo," habla si Jesus. "Ta hace le este para
na mi entiero." Maka-espanta este maga palabra!




Despues este, si
Judas, uno del doce
decipulo de Jesus, ya
conforma traiciona con
Jesus na maga Padre
Superior por treinta
bilug cen de plata.



Na celebracion de Passover del
maga Judio, si Jesus ya hace
di Su ultimo cena hunto con el
de Su maga decipulo. Ya habla Le
canila maga bonito cosas por causa
con El Dios, y Su maga promesas
para con aquellos que ta ama con Ele.
Despues si Jesus ya dale pan y copa
para sila hay parte. Amo
este para manda
canila acorda
que el cuerpo de
Jesus y sangre ya
dale para perdona
con el maga culpa.




Despues ya habla si Jesus na su maga amigo que tiene quien hay traiciona con Ele y sila tambien hay kaba corre. "Hinde gayot yo corre," ya insisti si Pedro. "Antes que hay canta el gallo, hay nega tu Comigo tres beses." Habla si Jesus.



Aquel mismo noche,
Si Jesus ya anda
reza na hardin de
Gethsemane. El
maga dicipulo que
hunto con Ele ya
pwede durmi. "O
Mi Padre," el rezo
de Jesus, "...quita
comigo este copa.
Pero hinde na Mi
querer, sino di Tu
querer."



Un grupo de maga hente derepente ya ataca na hardin, que ta encabeza si Judas. Si Jesus nuay invisti, pero si Pedro ya corta con el orejas del un hente. Pasecreto, si Jesus ya agara con el orejas del hente y ya cura. Sabe si Jesus que el aresto de Suyu parte na gusto del Dios.




El grupada del hente ya lleva con Jesus na casa del Padre Superior. Alya, el maga lideres del Judio ya habla que si Jesus debe muri. Serca na lugar, si Pedro ta para hunto con el maga servidor na pugera y ta mira.



Tres beses maga hente ya pija con Pedro y ya habla,
"Tu quel uban de Jesus!" Tres beses tambien si
Pedro ya nega con estos,
igual como cosa ya
habla si Jesus. Si
Pedro ya mal habla
y ya roga pa.



Tok-to-ga-ok



Sigiendo, ya canta el gallo.
Como lo mismo boses del
Dios para con Pedro.
Acordando el maga palabra
de Jesus, si Pedro ya llura
na arepentimiento.





Si Judas ya arepinti, tambien.
Que sabe le nuay culpa si Jesus
o crimen. Si Judas ya devolve
con el trienta pedaso del
plata pero el mga padre
nuay con este acepta.







Si Judas ya buta
con el maga cen y ya
corre afuera - y ya
man patibusug.




El maga padre ya lleva con Jesus
na presencia di Pilato, el governor
del Roma. Habla si Pilato, "Nuay
yo ta mira culpa con este hente."
Pero el maga grupada
el hente ta grita,
"Claba con Ese na
Cruz! Claba con
Ese na Cruz!"




Finalmente, si Jesus ya conforma,
y ya sentencia con Jesus muerte
por medio de cruz. El maga soldao
ya sopla con Jesus, ya escupi na Su
cara, y ya latiga con Ele. Ya hace
sila el bien terrible corona de
tunuk y ya porsa con este na Su
cabeza. Ya claba sila con Ele na
cruz de palo hasta
Ele ya muri.



Sabe si Jesus que Ele hay muri ansina manera.
Sabe tambien Ele que el Su muerte ya lleva
salvacion con el maga culpable si hay Cre sila con
Ele. Dos criminal que ya crusipica
na costao De Jesus. El uno
ya cre con Jesus - y ya
and ana Paraiso.
Mientras el
otro nuay.



Despues el cuantos hora de sufrimiento, habla si Jesus, "Ya acaba ya," y Ele ya muri. Ya complete ya de Su trabajo. El de Su maga amigo ya entera con Ele na privado tumba.



Despues el maga
soldao de roma ya
selya y ya guarda con
este tumba. Aura,
nuay mas kien hay
pwede man
entra'y sale.



Si este amo el fin de
este estorya, hinde
ba bien makatriste
este. Pero EL Dios
ya hace un cosa bien
bonito. Si Jesus
nuay esta muerto!




Madrogada del primer dia del
semana, cuantos del maga
decipulo de Jesus
ya encontra con el
piedra ta selya con
el tumba abierto.
Cuando ya busca
estos adentro,
nuay mas alya si
Jesus.



Un mujer ya esta llorando na tumba. Ya abuya con ele si Jesus! Con ansias, ya corre le na maga dicipulo ya cunta canila. "Vivo si Jesus! Ya levanta Le na su muerte!"





Nuay dura, si Jesus ya anda con el de Su
maga decipulo y ya dale canila mira el Su
pekas de clavo na Su mano. Deversan gane.
SI JESUS YA VIVI OTRAVEZ! Ya perdona
Le con Pedro por su negamiento con Ele, y ya
habla con el Su maga desipulo que conta con
todo por causa con Ele. Y despues, ya subi
Le otravez na cielo que donde Ele estaba.



El Primer Passover

El Estoria Del Palabra Del Dios, El Biblia

hay pwede encuntra na

Mateo Biente Sais - Biente Ocho,
Lukas Biente Dos - Biente Cuatro,
Juan Trese - Biente Uno.

"El frontera del Tu Palabra ta dale luz."
Psalm 119:130



El Fin



Este estoria de Biblia ta conta canaton paquemodo de adorable el Dios kien ya hace canaton y quiere Le que conose tu con Ele.

Sabe El Dios que manda maldad kita que ya hace, y ta llama este Le pecado. El sentencia del pecado amo el muerte, pero cay ta ama canaton el Dios, ya imbia Le con el de Su Unico Hijo, si Hesus, para muri na cruz y sentencia con Ele para na di aton pecado. Y si Hesus ya vivi otravez y ya bolbe na Cielo! Si ta cre tu con Hesus y pidi tu con Ele perdona de tu pecado, hay hace Le se! Hay bene Le, y esta hunto contigo aura, y tu hay vivi hunto con Ele hasta para cuando.

Si ta cre tu coneste verdad, habla tu este con el Dios: Dios mio Hesus, Ta cre yo que tu el Dios y ya queda hente para muri por causa na di amon pecado, y aura Tu ya vivi otravez. Favor entra Tu na mi vida y perdona conel di mi maga culpa, para iyo hay tiene nuevo vida aura, y un dia man hunto contigo hasta para cuando. Ayuda conmigo obedece Contigo, y vivi Contigo como de tu anak. Amen.

Leh con el Biblia y conversa con Dios todol dia! Juan 3:16

